



Bahir Imamović: Ovo je montiran proces

Nastavljeno suđenje Bahiru Imamoviću

Snimljen sa 10.000 KM

Imamović je s predstavnikom firme Tuzla-Kvarc dogovorio isplatu za sređivanje ugovora o koncesijama

Prezentiranjem videosnimka koji su načinili istražitelji **SIPA** iz Tima za borbu protiv korupcije, jučer je nastavljeno suđenje Bahiru Imamoviću, uhapšenom i optuženom pomoćniku kantonalnog ministra industrije u sektoru rudarstva. Imamović je uhapšen početkom maja 2015, prilikom primopredaje novčanog dara od 10.000 KM.

Videodokaz

Ova suma bila je samo prva od tri jednake rate, koje je Imamović dogovorio preuzeti od predstavnika Tuzla-Kvarc, kako bi kao pomoćnik ministra zloupotrijebio ovlasti i navedenom preduzeću omogućio koncesiju za eksploataciju kvarcnog pijeska u Tuzli.

Jučer prezentirani videozapis pokazuje Imamovića kako od Zlatana Velagića, tehničkog direktora preduzeća, uzima 10.000 KM, uz dogovor da ostale dvije rate slijede kad Velagić dobije ugovor o koncesiji, odnosno

kada njegove mašine uđu na lokalitet za iskop pijeska.

„Tako smo dogovorili. Ovo je prva rata. Druga nek' bude kad potpišeš ugovor o koncesiji, a treća nek' bude kad uđeš u kop“, kazao je Imamović, uzimajući pare od Velagića.

Skretanje pažnje

Imamović je, prije nego je uzeo novac, kazao Velagiću i to da mu

ODUGOVLAČENJE

Tuzla-Kvarc je od 2010. pokušavao dobiti koncesiju za iskopavanje pijeska ali je do 2015. nije dobio. Navodno je razlog za to upravo taj što je Imamović odugovlačio cijeli proces

može završiti sve što se tiče koncesija, ali i ostalih poslova u Ministarstvu industrije TK-a, a nakon što je novac stavio u džep, Velagiću je dodao kako može očekivati da sve bude gotovo u narednih 30 dana.

Imamović je u nekoliko navrata uzima o riječ tokom suđenja, te je prije nego je pokazan snimak uzimanja novca, insistirao na tome kako je u pitanju politički montiran proces, te da je ovo pokušaj Velagića da skrene pažnju sa oca i firme Tuzla-Kvarc, koji su optuženi za tešku krađu, odnosno dugogodišnju eksploataciju pijeska sa nekoliko ležišta bez prethodne dozvole i koncesije.

Nakon prezentiranja snimka, prikazane su i SMS poruke, te telefonski pozivi koji su prethodili primopredaji novca. Jučer je svjedočio i Nebojša Miletić, jedan od istražitelja **SIPA**, koji je vodio ovu posebnu istražnu radnju.

M. ALJIĆ